

44. SMOTRA
DJEČJEGA KAJKAVSKOG PJESNIŠTVA
“DRAGUTIN DOMJANIĆ”
– SV. IVAN ZELINA 2024.

Mala biblioteka „Dragutin Domjanić” (126. knjiga)

**44. SMOTRA
DJEČJEGA KAJKAVSKOG PJESNIŠTVA
“DRAGUTIN DOMJANIĆ”
– SV. IVAN ZELINA 2024.**

Nakladnik

Pučko otvoreno učilište Sv. Ivan Zelina

Za nakladnika

Vesna Bičak-Dananić

Urednik

dr. sc. Ivo Kalinski

Naslov zbirke

prema naslovu pjesme „Kad te ljubav vudri” Lee Slakoper

Ilustracija naslovnice

prema likovnom prilogu Ele Miljan

Likovni sadržaj

učenici osnovnih škola sudionica Smotre

Stručni suradnik u odabiru likovnih sadržaja Smotre

Mateja Majcen

Oblikovanje i grafička priprema

Zoran Osrečak

Tisak

Tiskara Zelina d. d., Sv. Ivan Zelina

Tiskano u 400 primjeraka

ISBN 978-953-8470-12-7

CIP zapis je dostupan u računalnome katalogu Nacionalne i sveučilišne knjižnice u Zagrebu pod brojem 001244399.

**KAD TE
LJUBAV
VUDRI**

**44 mali
Kaj
v Zelini**

Riječ urednika

Ivo Kalinski:

Što da se radi „kad te ljubav vudri“? 9


Kad te ljubav vudri?Perun Dopuđa Novotni: *Detinstvo* 15Alma Beljak: *Moj dedek* 16Lea Slakoper: *Kad te ljubav vudri* 17Kristina Bernat: *Mamičina popevka* 18Arsen Božek: *Mužika posle tekme* 20Grga Ratajec: *Koga imam rad?* 23Luna Boršić: *Žganica* 24Kiara Leskovar: *Nokturno* 26Karlo Dlab: *Maje Dejuonce* 27Mirta Levatić: *Budala mi je srce fkrola* 28Luka Horvat: *Moj ftiček* 30Luka Gorički: *Proljeće v mojem kraju* 31Jana Lipovac: *Prve snejg* 33Marija Samsa: *Boje leta* 34Ines Legović: *Leto* 35Ivano Nemčić: *Kmica* 36Petra Zidarić: *Prelepa naša Sidonijo* 39Ivan Novoselec: *Prva lekcija* 40Nino Križ: *Piko* 41Mia Mužic: *Za te* 43Andreas Mužic: *Čoklavi* 45Franka Kovač: *Spumad v Smrejčje* 46Nina Klepac: *Lejtuuu! Jee!* 47Patrik Pavlović: *Olofko, olofko* 48Hana Roginić: *Zagorje moje male* 50Iva Tržec: *Pri mojoj hiži* 52Damjan Golub: *Moj cucak Aron* 53Monika Jambrošić: *Poziv na sejem* 55

Na poziv Pučkog otvorenog učilišta Sv. Ivan Zelina za sudjelovanje na 44. Smotri dječjega kajkavskog pjesništva „Dragutin Domjanić“ - Sv. Ivan Zelina 2024. radove su dostavile 73 osnovne škole s ukupno 365 učeničkih radova.

Ocjenjivačko povjerenstvo u sastavu dr. sc. Ivo Kalinski (predsjednik), dr. sc. Božica Pažur i Štefica Kamenarić-Filipović, dr. med., odabralo je 80 radova za objavu u zborniku od kojih je 24 predloženo za javnu izvedbu na završnom događanju Smotre 26. listopada 2024. u Svetom Ivanu Zelini.

| | | | |
|--|-----|---|-----|
| Melani Fodrek: <i>Leto</i> | 57 | Roko Rep: <i>Storci</i> | 101 |
| Petra Vuković: <i>Zavičajni haiku</i> | 58 | Vida Škrablin: <i>Moja pajdašica</i> | 103 |
| Dora Trcak: <i>Lonjski most</i> | 59 | Lea Bekavac: <i>Prigorski kraj</i> | 104 |
| Tamara Grkavec: <i>Šari maček</i> | 60 | Nikol Štiglić: <i>Žena va belino</i> | 105 |
| Renata Koščec: <i>Moj zavičaj</i> | 61 | Domagoj Bencet: <i>Sunce</i> | 106 |
| Josip Pavunčec: <i>Ivek</i> | 63 | Josip Grbavec: <i>Čokaj me, žjetva</i> | 109 |
| Lukas Gutvald: <i>Moj jezik</i> | 65 | Tara Zlatić: <i>Drugi srećni dom</i> | 110 |
| Sara Krznar: <i>Sele moje lepe</i> | 66 | Vinka Novački: <i>Roke</i> | 111 |
| Anja Žnidarić: <i>Lepe reči</i> | 67 | Zara Prelec: <i>Sele</i> | 112 |
| Ela Baneković: <i>Moj deda</i> | 68 | Hana Hlevnjak: <i>Ftiček</i> | 115 |
| Tara Dunaj: <i>Zagorske steze</i> | 69 | Julija Klaužer: <i>V liepe stare dane</i> | 117 |
| Karin Martinec: <i>Naj...</i> | 70 | Lovro Kos: <i>Putok</i> | 118 |
| Marta Tikvicki: <i>Čušpajz</i> | 71 | Ivan Čivrag Gašpar: <i>Božićne vrijeme</i> | 119 |
| Ena Bingula: <i>Đak veseljak</i> | 73 | Borna Šlogar: <i>Kak som nastrada, a htel som biti frajer</i> | 120 |
| Judita Hutinec: <i>Popevala je teta Liza</i> | 74 | Lori Triplat: <i>Plitvica</i> | 122 |
| Mia Gašparlin: <i>Mali most</i> | 75 | Hana Havrle: <i>Tak si nekaj čudno gruntam</i> | 123 |
| Petra Šeketa: <i>Moja vučitelica i ja</i> | 77 | Ana Marija Voljavec: <i>Kak Zagorka volji?</i> | 124 |
| Eva Hlebec: <i>Mirek</i> | 79 | Julija Detelj: <i>Moja reč</i> | 125 |
| Igor Puklek: <i>Moj pajdoš</i> | 80 | Ivona Kontek: <i>Iza osmeha</i> | 127 |
| Šimun Ferendiš: <i>V noći</i> | 83 | | |
| Lana Mravlinčić: <i>Bednjo</i> | 84 | Kazalo autora likovnih priloga u zbirci | 129 |
| Leona Gotić: <i>Kaj zutra bu?</i> | 85 | Osnovne škole koje su sudjelovale na natječaju | 131 |
| Vita Perović: <i>Babica Purgerica</i> | 87 | | |
| Lovro Fabac Car: <i>Kaj bi bilo</i> | 88 | | |
| Helena Grozaj: <i>Sen</i> | 89 | | |
| Gabriela Fotivec: <i>Prigorje</i> | 90 | | |
| Lana Pereglin: <i>Vriedni posli</i> | 92 | | |
| Melita Canjuga: <i>Kmica</i> | 93 | | |
| Luka Malnar: <i>Maje dvej prabake</i> | 94 | | |
| Chriztel Renae Aceveda: <i>Jezikova juha</i> | 96 | | |
| Tara Ferenčina: <i>Kača ili kačec</i> | 98 | | |
| Ivan Skrbina: <i>Topla hiža</i> | 99 | | |
| Matija Zlački: <i>Kaj bu z menom?</i> | 100 | | |

Što da se radi „kad te ljubav vudri“?



Ilustracija: Ivano Rendulić, 6. razred

Upornošću i marom Pučkoga otvorenoga učilišta u Sv. Ivanu Zelini na natječaj za 44. kulturnu i uzborničenu kulturnu manifestaciju tzv. Mali Kaj v Zelini i ove godine odazvalo se nekoliko stotina sudionika/učenika osnovnoškolaca naših kajkavskih govornih područja, u dobi od prvog do osmog razreda. Za članove ocjenivačkog suda: Šteficu Kamenarić Filipović dr. med., dr. sc. Božicu Pažur (glavnu i odgovornu urednicu časopisa KAJ) i moju malenkost - nimalo lak posao!

Istaknuti je činjenicu da se iz godine u godinu uz središnje/centralne škole znatno povećava broj učenika/sudionika iz područnih škola (PŠ). Tako se, uz mnoge druge, u odnosu na središnje osnovne škole javljaju mnoge područne škole. Na primjer uz središnju školu Petra Zrinskog, Čabar – PŠ Tršće, PŠ Prezid, PŠ Gerovo. Uz središnju Osnovnu školu Veliko Trgovišće PŠ Dubrovčan. Ili je istaknuti da se, na primjer, uz središnju osnovnu školu Dragutina Domjanića u Sv. Ivanu Zelini na natječaj javilo više učenika područnih škola: PŠ Komin i PŠ Prepolno, a uz OŠ Ksavera Šandora Đalskog u Donjoj Zelini javila se obiljem pjesničkih radova PŠ Nespeš. To bi (ako posrijedi nije nešto drugo, npr. obilje nagrada i priznanja!), uglavnom bilo osnovnim poticajem stvaralaštva naših najmlađih. No najveću i posebnu hvalu uputiti je učiteljima/nastavnicima koji osnovnoškolce potiču na poetsko stvaralaštvo na kajkavštini kao vidu nematerijalne kulturne baštine!

Što se podastrte kajkavštine u pjesmotvorima tiče, izričaja i jezika na njoj i u njoj, reći je sljedeće: Najmlađi naši pjesnici/pjesnikinje umnogome se, što je i razumljivo i opravdano, razlikuju. Razlika je to, prije svega, u vokalnim i leksičkim posebnostima, jer jedno je uočavati i raspravljati

npr. o gorskokotarskim, a drugo npr. o kajkavskom govoru međimurskog, varaždinskog ili zagorskog govornog područja, jer svaki njihov izraz, bio fonetski ili bio ispisan, ima svoje vlastite fonetsko-fonološke značajke opstojnosti. Naime, jezične mikrozajednice uglavnom imaju svoj, reklo bi se skoro jedinstven jezični sustav, dok je drugotni problem u onih kajkavskih govora koji što takva nemaju. No to je prije svega dijalektološki/lingvistički problem, a ne komunikacijski, a pogotovo ne onaj kreativni/stvaralački književnoestetski dojam i „materijalni“ rječotvorni izgled.

Upravo je ta književnoestetska strana naših najmlađih stvaratelja na kajkavštini posebnost i iznimnost i jezičnih i tematskih odlika.

U toj osnovnoškolskoj dobi, osobito u najmlađih, pretežu poznati motivi i teme, privrženost prema najbližima: dedek, baka (Vita Perović, Babica purgerica), čak i prabake (Luka Malnar, Maje dvej prabake), mamica (Kristina Bernat, Mamičina popevka), otec; opisi godišnjih doba: leto (Melani Fordek, Leto), proljeće (Franka Kovač, Spumad v Smrejčje), zima itd.; atmosferskih prilika: dešč, itd., ali i zapažanja u vezi s odrastanjem: detinstvo (Perun Dopuđa Novotni, Detinstvo) ili zapažanja u neposrednoj blizini: Lonjski most (Dora Trcak, Lonjski most), itd.

No posebna zaokupljenost naših osnovnoškolaca, čak i onih najmađih, pojam je i osjećaj ljubavi. Taj im je osjećaj naprosto – sve! Bilo da je ljubav duhovna ili spolna privrženost (Lea Slakoper, Kad te ljubav vudri; Mirta Levatić, Budala mi je srce fkrola; Ana Marija Voljavec, Kak Zagorka volji?) ili je ljubav osobna privrženost sjećanjem prema najmilijima, prema dragom rodnom krajoliku ili sjećanjem na drage običaje (Julija Klaužer, V liepe stare

dane), itd. Osobitu pak privrženost i zaokupljenost u naših osnovnoškolaca zauzima razmišljanje i brižnost o jeziku.

U pjesmama vidljivo je da to nije neki imaginarni jezik, nego jezik kojim se služe – kajkavski jezik: (Petra Zidarić, Prelepa naša Sidonijo) ili u vrhunskoj aluzivnoj pjesmi (Chriztel Renae Aceveda, Jezikova juha). Ono što je začudno jest činjenica da je autorica baš ove pjesme na kreativnoj međimurskoj kajkavštini rođena Filipinka, koju je „život donio i nanio“ u međimurski kraj. Eto, kako se sudbina znade poigrati s nama!

Na kraju, izreći mi je veliku zahvalnost svim sudionicima osnovnoškolarcima i njihovim učiteljima i mentorima na sudjelovanju na 44. recitalnoj kulturnoj manifestaciji Mali KAJ v Zelini!

Dr. sc. Ivo Kalinski

KAD TE
LJUBAV
VUDZI



44 mali
Kaj
v Zelini

Perun Dopuđa Novotni

4. razred, OŠ „Ivan Benković“, Dugo Selo

Voditeljica: Sofija Štefanac Klobučar

Detinstvo

Ja svoju ljubav
dajem detinstvu,
tom predivnom razdoblju
gdi skitaš uzduž i poprek,
sa svojim pajdašima
igraš se navek
pa se vrneš vu hižu
da čekaš novi den.



Ilustracija: Sara Topalović, 6. razred

Alma Beljak

6. razred, OŠ Vladimir Bosnar, Stubičke Toplice
Voditeljica: Romina Gorički Mihaljinec

Moj dedek

Moj dedek i ja navek sme skup hodili
i od jutra do mraka skup bili.

Skup sme se i h potoku igrali
i furt poslje obeda skup spali.

Moj dede je navek moj junak bil.
Navek sam ga gledela z očima punim smieha i
veselja.

Sad, dedek, da te vidim, na grobek moram iti tvoj,
ali to ne znači da više nisi – dedek moj.

Lea Slakoper

6. razred, OŠ Veliko Trgovišće, PŠ Dubrovčan
Voditeljica: Silvija Greblički

Kad te ljubav vudri

Kad te ljubav vudri
vu srcu ti žari,
ljubav moreju biti
bregi, snegi pa i pes,
a morti i zrihtan dečec.

Zanavek ljubavi ma,
i sakom sreće donese,
bombonjera, cvetje, čokolada
znaki su mali pažnje.
Puca je zadovoljna i
nič druge ni važne.

A kad ti dojde ljubavne pisme,
ti si srečen, počne i plač,
pa si poskrivek pročitaš,
da te nigdo ne zameti,
i onda nemreš nič razmeti,
pa ti se nasmeje kak budala
i onda bi se puža njemu dala!

Kristina Bernat

3. razred, OŠ Strahoninec

Voditeljica: Ana Horvat

Mamičina popevka

Z kuhje se fčera čula popevka,
mamica si je zapopevala dok je kolače pekla.
Dok sam došla v kuhju, melu je rastepla.

Zela sam si falaček kruha kaj si pekmeza naličim
jer je več bila večer, kmica se spuščala,
a mamica si je još navek popevke skladala.

Več smo si šteli iti spati jer su zutra pre sosedu svati,
a mamica na nogaj nebre stati.
Kak bu zutra plesala ak se nebu naspala?
Si nebu na stolec sela pak dremala.


Mamica si je fortofa doli zela
šteroga je na sebi celi den mela.
Fletno je v postelju dišla
jer ji je sega bilo več preveč.

Vjutro, čim je oči otrpla,
pripravila si je opravo lepo
i v sili skoro pogazila mačko slepo.
Dok so došli na svate, kak je fest lačna bila,
od žganice na tešče mom se napila.

Dok si je mamica zapopevala,
popevka se razlevala.
Mislila si je: još sam jan ples!
Na to se, pred jutro, oglasiv pes.

Mamica je dišla dimo
i vužgala klimu.

Tak je mogla, kad je bilo vroče,
v snu tancati kak gut dugo oče.



Ilustracija: Kristina Bernat, 4. razred


Arsen Božek

3. razred, OŠ Strahoninec

Voditeljica: Ana Horvat

Mužika posle tekme

Janoga letnoga velkoga dneva,
 bila je tekma: Dinamo protiv Gorice.
 Igrale su trubente,
 bobjali bobji:
 Dinamo ja volim!
 Od popevaja i igraja, nešterne je
 tintara počela boleti, pak su se meknuli.
 Sejano, za jan čas, su se itak vrnuli,
 fučkali su i popevali.
 Četrdeset minot je prešlo,
 išče pet.
 Štiri.
 Tri.
 Dve.
 Jana.
 Zaigrale su trubente,
 bobjali bobji:
 Dinamo ja volim!

*Ilustracija: Arsen Božek, 4. razred*

Grga Ratajec

1. razred, OŠ „Petar Zrinski” Šenkovec, PŠ Mačkovec
Voditeljica: Senka Saško

Koga imam rad?

Rad imam brata
jer je dober prema meni.

Rad imam mamo i tato
jer mi dajo čuda ljubavi.

Rad imam bako i dedo
jer so mi joko dragi.

Rad imam prirodo
jer me čuvle.

Rad imam školo
jer se saki den nekaj nafčim.

Rad imam dugu
jer mi nekaj oče reči...



Ilustracija: Nino Malnar, 8. razred

Luna Boršić

2. razred, OŠ Gornji Mihaljevec

Voditeljica: Silvija Soldat

Žganica

Denes smo se v školi
slovo Ž pisati učili
i veseli smo bili.

Nabrojali smo žire, žabe
i žirafe,
a niti žohare smo ne pozabili.

Onda je nešči „Želodec“ rekel!
A drugi so se na žgorjavico zmislili.
Još su k tomu i rekli
da se z žganicom
žgorjavica leči.

Jo sam ih sam poslušala
i čudno ih gledala...
Pak so mi rekli:
„Dok žganico spiješ,
već ti nikaj neje.
Sam se zibleš
i fest se smeješ!“



Ilustracija: Luna Boršić, 3. razred

Kiara Leskovar

7. razred, OŠ Gornji Mihaljevec
Voditeljica: Lidija Novak Levatić

Nokturno

Kmiči se. Na nebu paleta.
Vetra nega.
Pokošena trova diši.
Kak sušila se je na soncu, topla je išče navek.
Moček spi i greje se.
I ftiči so ftihnuli.
Črna i gosta kmica
kaj na nebo se spušča do se Sonce skrije
popevle uspavanko.
Dok z okna se več ne svetli
jo čokam Meseca
jer me jedino on v noči gleda.

Lepi okrogli, beli mesec.
Pitam se je li ga i ti z svoje sobe glediš?

Karlo Dlab

2. razred, OŠ Ivana Gorana Kovačića Delnice
Voditeljica: Sanja Arh

Maje Dejuonce

V Gorsken kotare
moj grad Dejuonce staji.
Najviše v Hrvatske
svaje dane braji.

S Petehovca glidan
ardiče strehi i obuake puave,
Japlenški vrh srne skriva,
a Drgomalj planinare zuave.

Kumej čakan da Dejuonce sneg zabejle
pa budo deca na sajkah i skijah hitru letejle.

Mirta Levatić

3. razred, OŠ Petar Zrinski Šenkovec

Voditeljica: Snježana Blagus

Budala mi je srce fkrola

Lopovi krodeju peneze,
Internet krode vreme,
Svrake krodeju prstenje,
Čokolode pak zdovlje.
A meni, meni pak je
jedna mala budala
srce fkrola.



Ilustracija: Nika Gavez, 8. razred

Luka Horvat

3. razred, II. OŠ Čakovec
Voditeljica: Ida Veselovac

Moj ftiček

V jutro rano
Mam da se Sonce zbudi,
Moj mali ftiček
Fejst zakrči.

Te ftiček lepo popevle
Od jutra do zutra po cele dneve.

Baš kak da je kukuriček
A ne mali ftiček.

Cifraste je farbe
Z frizurom na glovi.

Čuda se ž njim spominam
I štel bi da mi nekaj veli,
Ali on me sam milo gleda
I perje si z klunom gladi.

Luka Gorički

5. razred, OŠ Konjščina
Voditeljica: Mateja Vukes

Proljeće v mojem kraju

Rane vjutre Sonček
iza brega viri
i v moj oblok gleda.

Denem si vanjkuš na glavu
da još male spim kad več vura zvoni.
Hud sam kak vrag. Kaj zvoniš
i mira mi ne pustiš?

Okrenem se na drugu stran
kad več mater z vrat kriči:
Kaj još spiš? V školu buš zakesnil.
Nemaš više cajta ni pojesti.

Dignem se ja, jedva gledim
i brže v torbu knjige namestim.
V školu ja letim,
a proljeće v mojem kraju diši.

Jana Lipovac

5. razred, OŠ „Petar Zrinski” Čabar, PŠ Prezid
Voditeljica: Rezika Jašarević

Prve snejg

Prve snejg je šciraj zvičer pou
pa se je šuma,
da je na bu mras,
pagrneua zos mehko bejuo deko i na
guavo se dejua bejuo kapo.

Prašale so se zjutraj
lesica i vouk
kan so se ad snejga
skrile medvejd i pouh.

A uoni so šle spat
v garak špampet uod
listja i vej..

I jest be včaseh rada
ceuo zimo prespaua.



Ilustracija: Marin Bajs, 7. razred

Marija Samsa

7. razred, OŠ Ivana Gorana Kovačića Vrbovsko
Voditeljica: Manuela Valenčić

Boje leta

Leto more imati boje,
saka boja označuje spomen.

Moje leto je bilo žute,
narančaste, plave, zelene
i ljubičaste boje.

Žuta označuje sa polja suhe trave
kaj smo prešetal, i
narančasta označuje zalaske sunca
kaj smo gledali.

Plava označuje modre ricketine i mora
v kere smo se kupali,
zelena nas podseća na krošnje drveta
ispod kere smo ležali.

Ljubičasta pokazuje sa veselja i osmehe
na licima mojih pajdašov.
Vse ono dobro kaj se desilo
i kaj bu ostalo v našim spomenima za vekom.

Ines Legović

8. razred, OŠ Brod Moravice
Voditeljica: Jasna Šepac

Leto

Čin sonce zajde
prnas je počelo leto.

Venih se motorke paljijo,
drva se bacajo,
njive se oraju,
vrt se kosi,
lopte se nabijaju,
kamenje se pometa,
deca se igrajo,
biciklji se vade,
rože se sadijo,
drva se beljijo,
ptice popevaju,
vatrogasci se bidijo,
čeke popravljajo,
gemišt opirje,
godišnji išče.

Na letih je najlepje
jer si nekaj delamo.

Ivano Nemčić

4. razred, OŠ Sidonije Rubido Erdödy Gornja Rijeka, PŠ Kolarec
Voditeljica: Dušanka Kos

Kmica

Vune sedim i v neke gledim.
Zvezdica blešči, a mesec se smeje.
Tam neki tič leti, a z žice sova kriči.
Ivanjska kresnica sad tu i tam presvetli, a sused miga v svoje kleti.

Pesi mi se vu noge motaju, pak me glediju pak se igraju.
V trave cvrček cvrči, a miš mi pred nosom beži.
Same sem štel vune sedeti i mira imeti
I v kmice uživati.



Ilustracija: Luka Kos, 2. razred

Petra Zidarić

4. razred, OŠ Sidonije Rubido Erdödy Gornja Rijeka, PŠ Kolarec
Voditeljica: Dušanka Kos



Ilustracija: Leona Jelušić, 4. razred

Prelepa naša Sidonijo

Veljača je najkrajsi mesec v letu
I jedini ženski mesec,
A nam je pak posebna
Jer se v njoj rodila i nažalost mrla
Naša prelepa Sidonija.

Ponosni sme kaj je našu Gornju Rijeku
Zbrala za svoje zadnje dene v životu
Od sih mogućih mesta na svetu.
Ponosni sme kaj naša škola nesi njene
Slavne ime „Sidonija“.

Tvoje ime nosi i plesna gropa
V koje plešeju moji brat i sestra,
A skoro bum i ja mogla plesati z njimi.
Svojim plesem bum ispriovedala kolko ljubavi,
Poštovanja i divljenja mi si nosime za te,
Naša prelepa Sidonijo.

Borila si se za hrvatski jezik i kulturu
V burne povesti našega naroda.
Popevala si našu himnu
Gda naš jezik ni bil sloboden.

Večno smo ti zahvalni na semu koj si napravila,
Naša prelepa Sidonijo.

Ivan Novoselec

6. razred, OŠ Ante Kovačića, Marija Gorica

Voditeljica: Ana Mlinar

Prva lekcija

Jemput sam se v školi potuko.

Unda mi je v školu došo tata!

Skoro si je se lasi popuko...

Povido mi je: „Pa kak se moreš tuč,

Kaj te doma nigdo niš ne vuči!“

Ja sam mu povido:

„Tata dragi, doma me si vučite,

al kad je prilika, moram se potuč!“

Nino Križ

4. razred, OŠ „Petar Zrinski“, Čabar

Voditeljica: Ivana Lazički-Lipovac

Piko

Moje ps zuave se Piko,
iman ano neguvo sliko.

Zvečir hedu uaja,
zatu zak mu smeta ograja.

Hedu se rad šita
i z ripen rapita.



Ilustracija: Viktorija Đurkin, 7. razred

Mia Mužic

7. razred, OŠ Sveti Đurđ
Voditeljica: Elena Kovačić

Za te

Vu kmici,
vu tišini,
z olofkom v roki
za te
par reči bom napisala.

Denes mi fejest fališ.
Tak malo časa je prešlo,
da odlajfal si ovog sveta,
a meni kak stoletje zgledi.
Vura toče,
a cajngeri kak da stojidu.
Kak bi rada štela
zadržati v glovi
se naše spomenke.
Tak rada sam te mela,
a nesam stigla
kaj bi ti to povedala.
Zmislím se tvojih rok
da su me čuvale
i sega zla branile.
Tvojega glasa
još navek čujem,
popevaš z unima na radiju.
Moram se nasmejati.
Znal si pravega štimunga napraviti.
Prefletno so mi te zeli,
nesam ti dospela
čudaj toga reči.
Fejest si čovek bil!

Svoje si brige navek
dobro skrila.
Za me
navek si tu bila.

Vreme nebrem
vrnuti nazaj,
al zato se morem
skriti v ovu popevku
i štirati se z tobom
po celom svetu.

Andreas Mužic
3. razred, OŠ Sveti Đurđ
Voditeljica: Snježana Hranić

Čoklavi

Vsaki dan dojde k nam,
od gda sam bila mali
rada ga imam.
Te mali, sedi dedek,
fleten i čuden
zove se Francek.
Navek sem gledal
spod okom
dok mahal je z desnom rokom.
Nekaj mi na njoj falelo je,
al sam mislil
tak to je.
Pak sam i sebi ja
jednoga prsta skrila
i od pet, četiri napravila.
On ti toga prsta nema,
japa mi veli,
znoš, Francek je malo čoklavi.

Franka Kovač2. razred, OŠ „Petar Zrinski” Čabar, PŠ Tršće
Voditeljica: Josipa Kovač

Spumad v Smrejčje

Spumad te čudnu hude,
valda se še zez zimo pude.

V megle se skriva,
nevejš kej je cejsta ali niva.

Ke megua uatide,
spumadansku sunčke pride.
Kašute se več pa cejste na šitajo
zak rajš na nive pasejo.

Tičke papejvajo,
lepe rušce rastejo.
Pride je lesica, je jejž,
je kukavica, je čaplja.

Al ke zvečir suava zahuka,
fučkaš spumad ke me je od straha muka.

Nina Klepac3. razred, OŠ „Petar Zrinski” Čabar, PŠ Tršće
Voditeljica: Katarina Leš

Lejtuuu! Jee!

Nedu ima rad zimo huadno.
Nedu ima rad spumad muado.
Nedu ima rad jesin, v hiladu boj,
A jest iman najrajši lejtju,
Te prave, život pačne moj!

V šule sen super prejšua,
al sriče je zdej i uana zavaršua.
Pravjo da sen punčka, kako jeskat treba,
al mjene zdej lejtju, vručina i sunce, mira neda.

Pa lejte se duaste tega dagadi,
Deca so vesiuu, vse se imajo radi.
Ke nan pride maja žuahta, pouna nas je hiša.
Skakamo, plišemo i jegramo se, tak hedu,
Da na nive nej več ni anga miša.
Mama se mau za guavo drži,
ponosna sen na no. Jaka je! Vse izdrži!

Grimo i na murje, uživamo, plivamo i koupamo se.
Sunčke me lepu zdej greje,
Slobodna sen!
Lejtuuu! Jee! Nejman meje!

Patrik Pavlović

4. razred, OŠ Kneginec Gornji

Voditeljica: Lidija Novosel

Olofko, olofko

Olofko, olofko,
kaj si tak radoznala?
Se bi štela znati
i kaj rišem i kaj brišem.

S tobom pišem pa si
se menja i
kda rišem
se si tenja.

Olofko, olofko,
bum te zašiljil
kaj buš mela
lepu špicu.

S tobom čarati
se je lepše
pa sem počel
stekati od sreče.



Ilustracija: Lea Špoljarić, 5. razred

Hana Roginić

5. razred, OŠ Stjepana Radića Brestovec Orehovički
Voditeljica: Jelena Halambek

Zagorje moje male

Tam de potok curi
i zajec z šume zuri.
Rože na traniku dišiju,
mački i pesi se loviju.
Priroda nam je te dala
i nigdar nam te ne hkrala.
Da se ne pozabi kak je te bile,
poslušame babicu mile.
Bez aute i smrada,
bez tipkanja i hlada,
deca igrati su se znalji,
a bregi zeleni su bilji premalji.
Šumica na bregu stoji,
ptičeki popevaju na granami.
Oj Zagorje moje male,
navek ti nam cvale.



Ilustracija: Fran Pintarić, 8. razred

Iva Tržec

5. razred, III. OŠ Varaždin

Voditeljica: Dragana Sever

Pri mojoj hiži

V hiži mira nema
Jer dešč se sprema.

Krenul je na put
I lejal bu saki den svud.

Mama srdita jer roža je pune
A tate nema ni sakega jutre.

Si su v brigama
A mene ništ to znane ni.

I tak sad saki put
Pa si mislim
Da pred menom
Se se ipak još vrti furt.

Damjan Golub

1. razred, OŠ „Slava Raškaj“ Ozalj

Voditeljica: Nada Peretić

Moj cucak Aron

Moj mali cucak
zove se Aron,
od svih ljubimaca
najlipši je on.

Kad ga žere
on se češe.

Pravi mi je
izazov
kad idem žnjim
u lov.

Kad opazi srnu
on poteče.
Kad poteče
uvik čuje
kak žaba krekeče.

Kad dojdemo iz lova
bez ulova,
onak divlji i jak,
izvrne se
na travnjak.

Monika Jambrošić

3. razred, OŠ Domašinec

Voditeljica: Štefica Marodi Hatlak

Poziv na sejem

Saki tork od ranog jutra
prek naše škole vu Domašincu
navek se nekaj dela.

Štanti se postavlejo
obleka sake fele i forbe se slože.
Cvetje črleno, plovo i zeleno
dišeče il pak bez mirisa
zove i vleče kak magnet žene
mlode ili one malo stareše.

Sega se tu more najti
od obične metle i kefe
pa se do ručnih usisavoči.

Nude se konte, škafi i lovor
plastični, a kakši bi drugi,
velki, srednji il mali
z ručkom ili bez nje.

Finoga sira nude z beličke sirane
narančastih turoša i sira z vlascem i paprikom.
A flanci, kakše očeš.
Šalote za celo leto
nikaj nejdu vu glove.

Vugorke, paprike, paradajze
vsih sorti
žote, črlene, ljubičaste pa čak i črne
otporne, domoče i strajske
visoke i niske
za saditi vun ili v tegline.



Ilustracija: Izabela Perhoč, 6. razred

Bez meda nega sejma
 more se kupiti vse
 kaj vam za čaj treba.

Kupci od štanta do štanta
 zuje kak čmele
 bole rečeno
 kak muhe
 de bi kaj dobro našli
 i fal kupili.
 Ako očete videti
 kak je to vu Domašancu na sejmu
 sikak jampot dojdite.

Mortik se vam dopodne
 i ponovno navrnete
 nekog poznotog zidete
 malo se pospominata,
 po hrptu potopšate,
 i vu dobru se volju denete.

Kaj fali našem sejmu?
 Mužikoši, pečeni kolbosi
 stolice i suncobroni.

Još jampot vas zovem: „dojdite“
 na protuletje il na jesen
 dok je ne tak vroče il pak zima.
 A posle sejma na kovo
 ili fini sladoled
 i pok se to prek naše škole.

Melani Fodrek

6. razred, OŠ I. K. Sakcinskog Ivanec, PŠ Tina Ujevića Salinovec
 Voditeljica: Valentina Posavec Kovač

Leto

Sonce je zgubljeno
 V modrine neba,
 Rasipavlje dragulje,
 Med bregima sience lovi.
 Vugradu črljenim se jabučicama smijeje.
 V potuočeku sve ličecko kušuje,
 Zlatnim nitima mrežu plete.
 Cvietek sve lati otpira...
 Zapira...
 Otpira...
 Poskrivečki, mefko, tihe.
 I ftiček nekak pomujne
 Svo popiefkicu popieva,
 Kak da mu se neda,
 Kak da lada si išče.
 Sonce je zgubljeno
 Med bregima senje si išče.
 Pomujne, potihe, mefko.

Petra Vuković5. razred, OŠ Ivana Perkovca, Šenkovec
Voditeljica: Natalija Dujaković

Zavičajni haiku

Stari dvorci,
cirkvica na brigu
gledi zavičaj.

Črleni krovi,
Na obloku pucica
Gledi prema Sukli.

Podrimanac
na zalenoj ledini
zdigniu glavu.

Zajčeki h travi,
šumeča Sava
- moje selo.

Deca na igrališču
loptu natiravaju
fejst kričiju.

Vesela deca
h mojoj maloju školi,
i vučiteljica.

Dora Trcak4. razred, OŠ Dragutina Domjanića, Sveti Ivan Zelina
Voditeljica: Suzana Tukša

Lonjski most

Krej moje hiže Lonja teče,
krivuda, šumi, kak megla se vleče.

Po Polonju kraj Lonje,
seljaki kosiju senokoše zelene
i sušiju sene.

Na Lonje je jeden stari drveni most,
saki na njemu dobrodošli je gost.

Pod mostom divlja raca pliva
i pune malih racic ima.

Krej mosta dabri delaju brane,
na granama vrbe sediju vrane.

Na mostu ja rada sedim,
živinu i Lonju još rajše gledim.
Taj stari drveni most zbilja rada imam,
na njemu sedim i nogice zibam.

Tamara Grkavec

4. razred, OŠ Dragutina Domjanića, Sveti Ivan Zelina, PŠ Komin
Voditeljica: Ksenija Mohenski

Šari maček

Moj šari maček
baš je bedaček.
Stalne za vrapci leti,
pak se v drijeve zaleti.
On stale bejži od hiže,
al kad ga zovem odma dojde bliže.

Renata Koščec

3. razred, OŠ Dragutina Domjanića, Sveti Ivan Zelina, PŠ Prepolno
Voditeljica: Ana Poldrugač

Moj zavičaj

Vu jutro kad se zbudim
toplo sunčeku mi zajde čez oblok.

Tiči svoju pesmu popevaju.
Tak ih je lepo čujti i videti kak letiju.

A gda zidem vun,
lepi i zeleni bregi me navek pozdravljaju.

Po livadama i med travom,
cvetje šarene se štima.
Čele ga obletavaju
ne znaju kojeg da prvo podišiju.

Takav je moj zavičaj.
Mirni i pun boja.
Zate ga jake volim i čuvam.



Ilustracija: Josip Pavunčec, 4. razred

Josip Pavunčec

4. razred, OŠ Eugena Kvaternika, Velika Gorica
Voditeljica: Divna Topolnjak

Ivek

Krenul je Ivek
Z kuferom v ruke
Škrlak mu je črni
Lasi skrival.

Gledal je v čudu Ivek

Kak hrast je zrasel
Kak puta više ni

Domom je došel Ivek
Dugo ga ni bilo.



Ilustracija: Lukas Gutvald, 4. razred

Lukas Gutvald

4. razred, OŠ Eugena Kvaternika, Velika Gorica
Voditeljica: Divna Topolnjak

Moj jezik

Prvi zvuci koje sem čul,
prve reči koje sem razmel,
prve rečenice koje sem zgovoril
i senje koje sem senjal.

Za me je on sigurnost,
vгода i lahkoča.

On je poziv na igru,
prijateljstvo i ljubav.

On daje ime
semu kaj volim
i semu kaj osečam.

On je moj jezik horvatski.

Sara Krznar6. razred, OŠ Posavski Bregi
Voditeljica: Nikolina Mance

Sele moje lepe

Sele moje lepe pokraj reke Save,
u tebe su cure lepe i drage.

Šumica gusta, potočić žubori,
u proletje kvočka
piliče izvodi.

A kad dojde jesen,
noći su mrzle, dani sivi.
Megla skriva saku ižu.
Reka Sava mirne teče
i čeka da dojde proletje.

Tvoje oči, Savo,
zelene i plave
gledale su mnoge užase i strave.

Ne daj se, Posavino,
još si dosta jaka!
Jemput bu sunce zasjale
i za našega selaka.

Anja Žnidarić5. razred, OŠ Krapinske Toplice
Voditeljica: Sonja Kuštan

Lepe reči

Kaj je tak teške reči
lepe dobre reči?

Si se s grdim rečima gađamo
pak onda nekoga i povredimo.

Reči su sreća i tuga
i moreju voleti i boleti.
Grde reči jake tiščiju,
A lepe reči h srčeku bleščiju.

Jake je lehke reči lepe tople reči.
Najte na tem šparati, naj se nešči usreči.

Ela Baneković

8. razred, OŠ Visoko

Voditeljica: Valentina Matejak

Moj deda

Mojega deda nigdar
nikoj nije bolele
ili se o tom nije
ništ govorile.
Srditi nigdar nije bil.
Ak' i je,
dobre je to skril.
Vezda dok ga
više nijema
teško je
nama sijema.
Verujem da mu je
tam bolje,
da je furt dobre volje
i da čuva mluke svoje.
Dragi moj deda,
z anđelima se gore
za me moli.
Tvoja te mluka
zanavek voli!

Tara Dunaj

3. razred, OŠ Side Košutić Radoboj

Voditeljica: Dragica Pospiš

Zagorske steze

Furt nas peljaju v gorice
tam je fine vince
za dobro spiti
i lepe je tam biti.

Gda trda kmica dojde
doma se pojde.
Popevka se stezama čuje
da se zna ko tu je.

Karin Martinec

5. razred, OŠ Petrijanec
Voditeljica: Željka Rabuzin

Naj...

V mojemu selu
najnižeša je pucka Katica,
a najvišeši je striček Štef.
Najgoršeša je babica Marica.
Da una zakriči,
cielo selo se zbudi.
Najbolšeša je teta Barica,
una je dobra kak čmelica.
Najbetežneši je dečec Zdravkec,
saki dien ga neka buli.
Najzdraveša je ma mujcica,
a najlepšeša je ma vujnica,
una pak se saki dien zrifta
kak za k meši.

Najpametnešeša sem ja!

Marta Tikvicki

2. razred, OŠ Dragutina Tadijanovića, Zagreb
Voditeljica: Tatjana Kukić

Čušpajz

Gda mama pozove,
dojdi na obed
ja pitam kaj si skuhala.
Ha, čušpajza
si ga volimo i brzo je kuhan.
Ali, to ni čušpajz
kakvoga smo ščera jeli,
pomale prigovaram.
Ni v hotelu
ne kuhaju saki dan isto,
tak i ja menjam menije.
Ti i onak najviše voliš noklice.

Ena Bingula

6. razred, OŠ Ante Kovačića, Zlatar
Voditeljica: Veronika Podobnik



Ilustracija: Ena Bingula, 7. razred

Đak veseljak

Ja sam đak veseljak,
sako jutro u školu peške hodim
po putu i Bogu se pomolim.

Na tem putu kameni
mi se pod noge podpliču,
zavoji me sim i tam hiču.

V breg i dol moram iti
i do škole se žuriti.
Torba na leđi nije baš lefka,
al f semu tomu pomaže popefka.

Ftići na grane moji su pajdaši,
prate me do škole pa mi puti budu lakši.

V škole učiteljica pune pripoveda
ne razmem ju baš furt,
al veli babica za te bu dober i grunt.

Ja se pune ne sekiram
po malu si popevam i dirigiram.
Ja sam đak veseljak.

Judita Hutinec

3. razred, OŠ Nedelišće, PŠ Puščine

Voditeljica: Sanja Marciuš

Popevala je teta Liza

Popevala je pomali i glasno
veselo i tožno,

Teta Liza dobra bila
se nas popevati navčila,

Popevala je z ropcom na glavi
v međimorskoj opravi.

Živela je blizu Mure i Drove
z mesta Donje Dobrave.

Soma i z mužikošaj
popevala je po Međimurju z Bandistaj.

Mia Gašparlin

6. razred, OŠ Nedelišće

Voditeljica: Martina Horvat Kolar

Mali most

Gliboko v šumi,
med drevima skrit,
na brzino sklepan mostek
prek potoka gazi.

Kak da ravnotežu
v tišini šume drži.

Te pa sonce zide,
on zažmeri, al se nasmeje.
Ljudi v tom času
pod njim okrepu išču.

A onda se sonce primiri
i teški jesenski veter zapuše.
Postane mrzleše.

Oluja se spravla, potok nori.
A most se i dalje drži.

I jesen mine te dojde zima,
most još navek posla ima:
mlade srne i splašene zajce
pod sobom skriva.

Na protuletje je spokojen –
okoli njega je samo mir.
A mali most zna da se to zove
sreča.



Ilustracija: Sofija Žilić, 1. razred

Petra Šeketa

4. razred, OŠ „Ljubo Babić” Jastrebarsko, PŠ Desinec
Voditeljica: Snježana Dugić

Moja učiteljica i ja

Moja učiteljica
sikaj me navčila.
Kak bi bolja
i pametnija bila.

Najprije slova,
pak brojke.
Pisati i računati,
vežbati i popevati,
i čuda se smejati.

Čas je tiha bila
v čas je glas premenila.
V jen čas se tak drla...
Ja sam v čudu zube otprla...
Al nis imala kaj reči.
Od srama sam mogla jedino van pobeči.

Zločesti smo bili
dost brbljali,
bez veze smejali
jen drugome stvari zimali i skrivali.
Zadaće baš nismo pisali.

Al znala je učiteljica naša
Kak bu z nam zišla na kraj.
Šaljem joj zato jen zagrljaj.
Jeno veliko fala
za se kaj nam je dala.

Poslušala sam navek,
kaj mi bu povedala,
kaj mi bu spripovedala...
Se sam v pamet pospravila
kaj god je rekla-
Uz nju sam postala prava dekla.

Eva Hlebec

3. razred, OŠ „Stjepan Radić”, Božjakovina
Voditeljica: Jasmina Miler

Mirek

Mirek je dečec mojih let.
Ideme vu istu školu.
Dober je.
Nekak mi se čini,
da me, na hodniku stalne gleda.
Jeden dan dal mi je čikuladicu
i sav se začrvenel vu licu.
Nekak mi se čini,
da mu se dopadam.
Vučitelica nas je otpelala vu kazališče.
Mirek si je sel vuz mene.
Svetla su se zgasla,
počela je predstava.
Mislim da se i Mirek mene dopada.

Igor Puklek

4. razred, OŠ Tomaša Goričanca Mala Subotica

Voditeljica: Ljiljana Rinkovec

Moj pajdoš

Ide! Kak stekla strela beži
i moje ime kriči.
Tijam nutri ga čujem
i mom si patike na noge bujem.
Odma lopto napodnemo
pun šus, kuljko ide.
Negda nam lopta k sosedo dide.
Kokoši i race znojo kam morajo iti
jer bi mogle lopto v glovo dobiti.
Tak dugo lopto ričemo
dok se jabuke z dreva shičemo.
Unda smo žejni,
idemo nutri
kompjuter je vužgoni
i počne pomali svaja.
Ne tre dugo,
posvadimo se do kraja,
dimo ga natiram
i reči ne biram...
Ali, nema veze,
znam da bomo si zutra
z dobra mom od jutra.
Jer...ipak je on moj pajdoš...



Ilustracija: Stela Deronja, 2. razred



Ilustracija: Tia Kosmat, 4. razred

Šimun Ferendiš

7. razred, OŠ Ljudevita Modeca, Križevci
Voditeljica: Danijela Zagorec

V noći

Legel sem spati,
al mi san beži
pa gledim zvezde
i žuti mesec.

Slušam sovu kak
huče z bora,
v daljine se i
pesi čuju.

Vura na zidu
sporo cajgere vleče.
Vse je kmično,
a meni v glave
kak da žarulja svetli.

Kad bi bar mogel
same male spati
pak da pozabim
kaj me v škole čeka.

Lana Mravlinčić

6. razred, OŠ Franje Seta Bednja

Voditeljica: Emilija Zagrajski-Maligec

Bednjo

V sarcu Hrvotska, med briegimi zelanim
leži Bednjo, liepo kok v snu.

Tuj su pesme rodi, tuj sa sarce veseli.

Bednjo mo drogo, ti si mi furt blizu.

Leona Gotić

5. razred, OŠ Ljubešćica

Voditeljica: Sanja Horžić

Kaj zutra bu?

Sake jutre
dek se zbudim,
čez obluk pogledam.
I denes je bile tak,
pitam se
kaj bu zutra pak.
Kite si z lasi napravim
I ž njima se štimam.
Denes se matku vučim,
zbog škole male spim
i rane se zbudim.
Srečna sem
i zdrava denes
bez čudaj penez.
Kaj zutra bu?



Ilustracija: Jana Jančec, 6. razred

Vita Perović

3. razred, OŠ Oroslavje

Voditeljica: Snježana Sitarić-Knezić

Babica Purgerica

Ščera sme babica i ja,
 cieli Božji dan
 zagorske rieči iskale!
 Od najža de pelnice,
 od pelnice de najža,
 i tak sme ih male našle.
 Dobre, babica, kam si ih spravila?
 - pitam ju ja.
 Aaaa, ne znam, veli ona,
 negde sem ih zgubila!
 A gde? Kud si hodila?
 - nedam je mira.
 Po Jelačić placu, po Kvatriču,
 po Dubrave i Črnomercu...
 I same su mi nekam te rieči pobegle!
 Mislila si je, da ih bu
 na najžu v škatulje našla
 ili v pelnice kre lagve stare.
 Unda babica, kaj bume zdej?
 - čez glavu mi je prešla moja vučiteljica...
 Reci vučiteljice
 da se babica v Purgericu prevrgla
 zagorske rieči pozabila,
 pak od zagorske pesmice
 nebu nič!

Lovro Fabac Car

3. razred, OŠ Mahično, Karlovac
Voditeljica: Jasmina Štefan

Kaj bi bilo

Kaj bi bilo da se oblaki pene,
da oblaki ljudima pripovesti divaniju.

Kaj bi bilo da je knjiga živa,
Pa da kad pada kiša pod drevo se skriva.

Kaj bi bilo da drvo dobi lasi,
Pa da mu od one starosti posede.

Kaj bi bilo da škole ni?
Znam kaj bilo.
Deca ne bi pametna bila.

Helena Grozaj

7. razred, OŠ Ksavera Šandora Đalskog, Donja Zelina
Voditeljica: Diana Brcković

Sen

Škakla me sonce,
rosa me vmiva,
a ja bi v sen,
tam sem živa.

Senjala bi brege naše,
kak mi saki ptič na grani maše.
Senjala bi zelene bore,
kak se vse u senu more!

Budi se zora, beli se den,
a ja bi štela natrag vu sen.

Gabriela Fotivec

5. razred, OŠ Ksavera Šandora Đalskog, Donja Zelina, PŠ Nespeš
Voditeljica: Marina Adašević

Prigorje


Tak puno bregov tu ima,
kaj se navek zelene.

Živinu pak čuješ celi dan,
kak lajeju, kokodačeju
ili bečiju.

Babice čez obluk
vse glediju,
da ne bi kaj propustile.
Tak su kaki kamere.

Muški se pak z traktorima
navajžaju.
A deca po selu prozore razbijaju,
pa ih babe za uha nategneju.

Kajkavski se tu navek pripoveda,
jer ipak je ove –
Prigorje!



Ilustracija: Jan-Stjepan Hajdek, 6. razred

Lana Pereglin

6. razred, OŠ Breznički Hum

Voditeljica: Vesna Pucak

Vriedni posli

Dedek mi pripovieda kak je delati pri nam:

Od leta do jeseni baš si kak sluga.

Jeden dan radost – drugi dan toga.

Vjutre ti sonce zagrieje,
popoldan vse toča zalieje.

Imamo i brajdu pri hiži,

ništ preveč, par trsekof.

Gledim trsek koji čuči,

kak knječek se suši.

Ober njega ptiči letiju,
rada se na njega spustiju.

V proleče ga je dedek obrezival,

v letu ga povezival,

male i z galicu vmival.

Vjesen grozdja nam daje, pak ga se pobira.

A v zime, trsek si počiva.

Mi deca imamo i suoka od biezge

koju smo z babicu vriedne brali.

Biele, dišeče cveteke

ose i čele niesu preveč fkrale.

Melita Canjuga

7. razred, OŠ Vidovec

Voditeljica: Sanja Biškup

Kmica

Žmefka si.

Poute mi zapiraš postiha.

Več mama kriči de sam
tak dougu jer si me ti prešla.

Zapiram vraca hiže,

ostavljam te vuni.

Lefka ti nuoč, Kmica črna!

Luka Malnar

7. razred, OŠ „Petar Zrinski”, Čabar, PŠ Gerovo

Voditeljica: Sanja Klarić

Maje dvej prabake

Iman dvej prabake.
Ane fali devit,
a druge desit lejt do stu.

Jaku so smejšne, saka prave svaji.

Micka ne sliše neč, gluha je ku top,
ješče slušne aparat i vavejk gnjave,
a jest je ješčen baterijo da be bulje slišaua.
- Paze, Luka, da ga nabuš šundrou!
I paglidaj ok je baterija prava.

Ivka ješče recnije da jo nabu balejuo,
a duoskrat rječe da je je sejh šist prstov
zaspauo.
Rječen je, ne zijaj tak,
pouna me je guava.
V ruokav i v guase je še mači,
al nagi ne velajo.

Zbalejle so ble jaku,
duhtarca prave, šlag ih je opaleu.
Al kaka god balejzon pride,
algene cukre so te za lejk i poslastico
pravo.

Praven bake da gren na naturalac,
a uona vsa vesiuu,
fala Bogu, zdej bun mauo pačineua
svaje živce od tjebe desit dni.

Na kraje sega pravejo istu.
Ku jen nej prav i sega in je dast,
rječejo: bugoc muj, zeme me k sjebe.

A ku jen je dan lejp:
bugoc muj, daj me še mauo paživet
i da stanen na nagi.

Uofku be še duoste tega na papir deu,
zak be buo baš dosadnu da nej neh dvej.

Chriztel Renae Aceveda

6. razred, OŠ Sveti Martin na Muri

Voditeljica: Anđelka Klemenčić

Jezikova juha

naččila sem se čuda toga
 naččila sem se ka je tradicija v Međimurju joko važna

čuva se čuda sega
 tibet raubec
 nošnja
 popefka
 čuvalo bu se se dok bu rejka Mura tiho šumila

i hronu je važno očuvati (meni je se fijno)
 govedska juha z rezancaj
 punjena paprika
 špinat z vrhjom
 zlevenke

moja Mama kuha jeden den
 bulalo, drugi dan sinigang pa adobo
 rižu saki den (bez riže nema života)
 a specijalitet moje Mame
 ima grdi okus
 saki pout me rasplače
 v Međimurju sem saznala
 da ima ime
 znam kak se zove
 zove se Jezikova juha
 zapisala sam vam recept:
 Mama – jedna i jedina
 Ljubav – bez broja kg
 Srditost – dvejsto pedeset grami
 Jezik – jeden

dok se kuha, stoji mirno kak kip, bodi tiho kak miš, ne diši i
 fkrej gledi

kaj god Mama skuhala
 ja pojem
 kak god Jezikova juha ima grdi okus
 zasiti me

i zoto tradiciju treba čuvati
 Jezikovu juhu
 suhe jezike
 Jezik

Tara Ferencina

4. razred, OŠ Novi Marof

Voditeljica: Ljubica Bešenić

Kača ili kačec

Kraj naše hiže teče potočec Koroščak.
V njemu se zelena šuma gleda.
V šumi srečni ftičeki popevaju.

Moja baka je fest vredna.
Po cele dane v svojem gartlecu dela.
Tinek i ja joj negdar pomažemo,
a negdar se samo v potočecu igramo
ili na starom gunju ležimo.

Baka je drač zibačila,
a mi smo se po trave koturali i smejali.
Spoda gunja smo spazili veliki, slinavi rep
kak od one kače anakonde.
Skočili smo i kaj nori zakričali: „Kača, kača!”

Baka je dobežala kak opasni zmaj!
Zo zibačami je vmeknula gunj,
zakvačila kaču i v šumu ju hitila!
Nasmejala se i rekla:
„Deca, deca, pak vam to neje huda kača, već mali kačec!”

Sejedno jel bila to huda kača ili mali kačec
još mi se neje
srce vrnulo na mesto.

Ivan Skrbinac

2. razred, OŠ Antuna Mihanovića, Klanjec, PŠ Lučelnica

Voditeljica: Lucija Novosel

Topla hiža

V mojoj hiži nigdar ni zima
još se babica zdigla nije,
hiža se već grije.

Peć se kuri,
z dimnjaka se dimi,
v protuletu, letu,
v jesen i v zimi.

Dedek i tatek navek zijaju
da se drva sama ne cepaju.

Babica i dalje svoje tira,
peć nigdar nema mira.
Ona se samo nasmeje,
a peć dalje greje.

Dok je moja babica živa,
v mojoj hiži nigdar nebu zima.

Matija Zlački

6. razred, OŠ Antuna Mihanovića, Klanjec, PŠ Lučelnica
Voditeljica: Dragica Gajšak

Kaj bu z menom?

Mati me naterava da se moram iti vučiti.
Vani svekli sunce, a ja v hiži ležim i vučim se.
Reči su me preplavile.... Pa sem zaspal.
Drugi den vučitelica me v školi pitala.
Dobil sam jen.
Došel sam dmof, a mati me je špotala.
Reko sam joj da se bum popravo.

Roko Rep

7. razred, OŠ Brestje, Sesvete
Voditeljica: Inja Herceg

Storci

Kaj da vam velim, kaj da vam narišem,
bilo bi bolše ak vam nekaj napišem.
Moji storci su hudi i dobri, fest se veseliju,
a bormeš i čudaj na mene kričiju.
Samo bi nekaj fletno šteli,
a moj mozek pomalem informacije deli.
Dok oni odidu levo ja mam krenem desno,
kaj da nam itak neje već preveč stresno.
Rad bi ostal buden do zore,
al nečem da storci ne ponore.
Hudi su oni, hudi sem ja,
zgruntaš nigdar složna familija.
Saki den z njimi nekaj novo,
nigdar ni dosad,
Božek drogi svoje storce sikak imam rad.

Vida Škrablin

5. razred, OŠ Donja Stubica

Voditeljica: Danica Leštek



Ilustracija: Vida Škrablin, 6. razred

Moja pajdašica

Ista kak i ja,
Iste si mislime,
Iste govorime,
Iste senjame.
Ona razme mene, ja razmem nju.

Gda sam srečna,
I ona je srečna.
Gda sam vesela,
I ona je vesela.
Gda sam žalosna,
Ona nije žalosna,
Nek mi utehu da,
Zate ju imam rada ja.

Gda pozabim ambrielu,
Skup se špancierame,
Na dešč mi pozabime...

Moja pajadašica,
Moja biela anđelica.

Lea Bekavac

5. razred, OŠ Vugrovec Kašina

Voditeljica: Dijana Požgaj

Prigorski kraj

Lepi moj prigorski kraj,
navek je ovak ponosno stal.
Lepa dvorišča i još lepšeše
Hiže se nižēju.
Crkvica i škola povest nam pišeju.

Veliju da lepšeg kraja
ni ni bliže ni dalše.
Tu još cvetje z livade
diši i srna v šumi spi.

Prigorje naše pune je
njiv di babice
sadiju krampir.
A ni lukeca ni vugereka ne fali.

Lepi je lepi
naš prigorski kraj.
Šume se zeleniju,
dajeju nam dar.

Nikol Štiglic

4. razred, OŠ Rudolfa Strohala Lokve

Voditeljica: Marijana Rakas

Žena va belino

Prejk se v Lokvah,
okole Dvorskiga kurita,
ženo va belino moglo videt.

Bela je jaku vesela i lipa.
Divonela je samo unimo
koga je kla upozorit
il na nekaj va živote prprovet.
Nikome ni naškodela.

Šteta da je več ni
zak be možda kojepot
i nan pomogla.

Domagoj Bencet

6. razred, OŠ Marije Jurić Zagorke, Vrbovec
Voditeljica: Vesna Švarc

Sunce

Sunce, velika žuta točka,
kak tri zlatna polja velika.
Negda nas greje,
no kad nam treba, nestane.

Sunce, velika žuta točka.
Kad dojde, vsaki čovek
prestane delati,
htel bi se vsaki dan
kak dete igrati.




Ilustracija: Hana Bajkovec i Lara Posavec, 4. razred

Josip Grbavec

3. razred, OŠ Domašinec, PŠ Florijana Andrašeca Dekanovec

Voditeljica: Tatjana Pintarić



Ilustracija: Saša Hunjadi, 7. razred

Čokaj me, žjetva

Deši pšenica, prozne su prikolicе
kombaje budimo.

Jemlem kapu, rukavice.

Fletno bu došla žjetva!

Moj mali ursus i prikolica siva,
deši se od zobi, pšenice, ječmena.
Vručina leta i avtomehaničar,
se se zbrkovle koli polja i vremena.

Čokaj me, žjetva, jo bum fletno došev!
Več sam noftu i olje prepraviv.
Zove me mučina i vručina.

Moj mali ursus i prikolica siva,
tu bu nas teške misli pošle!
Čekaj me žjetva, fletno bum došev!

Tara Zlatić

7. razred, OŠ Ludbreg

Voditeljica: Ljudmila Kladić

Drugi srečni dom

V gradu mojemu malomu
još menša vulica se skrivle.
Zelenila puna, mirise širi,
a z sakog dvorišča njuškica viri.
Došla sem vu nju jako, jako mala,
a una mi je čudaj prijateli dala.
Za sakim vuglom glasi se čujeju,
navek nekaj novega kujeju.
Vičeju, cičeju, grmiju
ko da je vudrila strela nebeska
i zemla se od potresa stresla.
Mame čez obloke gondraju,
derigiraju, kaštigaju i nad nami brigaju.
A deca skačeju, bečiju,
svadiju se, pak se miriju
i z dena v den
prijateljstvo širiju.
Ova mala vulica v srcu je mom,
meni i prijatelima drugi srečni dom!

Vinka Novački

6. razred, OŠ Ljudevit Gaj Krapina

Voditeljica: Jasna Leljak

Roke

Roki ima puno versti.
Ima mlajših, ima starejših,
Ima grubih, ima mehkih.

Negda bijeju, negda podragaju,
Navek delaju, nigdar ne počivaju.
Familiju gradiju, čversto ju skup držiju.

Roki ima puno versti.
Ima mlajših, ima starejših,
Ima grubih, ima mehkih.

Moreju moliti, znaju prositi,
k sebi stisnuti,
moreju sviet zmeniti!

Zara Prelec

6. razred, OŠ Krunoslava Kutena Vrbovec, PŠ Rakovec
Voditeljica: Ljiljana Bušić

Sele

Vu selu su hiže drvene, ciglene,
pak su bormeš neke i moderne.
Na obluku cvetje stoji,
kak i babica kej susede broji.

Krej puta kravice su se navek pasle,
a iza njih babice klafrale.

Krej raspela pet babica stoji,
Isuseka mole dok ih kmica ne vlovi.

Selski dedeki v gorice moraju iti,
pa si nekej moraju i spiti.

Dekličke se kralica igraju,
A dečeci vojnika ki ih verne čuvaju.
Tak je v mojemu dragem Rakovcu,
pa če te zanima dojdi,
babice bodo ti se razveselile
pak bodo ti morti i gibanicu priredile.



Ilustracija: Tamara Jakopic, 7. razred

Hana Hlevnjak

2. razred, OŠ Gola, PŠ Otočka

Voditeljica: Sanja Solić



Ilustracija: Eva Jakupec, 3. razred

Ftiček

V školu sem rano došla
I ftičeka maloga sem vidla.
Kaj bom ve z njim delala?
Pak sem mu gnezdo napravila.

Denes, on okolo mojega krova leti,
a ja ga onak z veseljem gledim.
I več dugo, dugo on pri meni živi
i moje pole meni krasi!

Julija Klaužer

5. razred, OŠ Marija Bistrica
Voditeljica: Melita Petriš Banovec



Ilustracija: Dora Dugački, 7. razred

V liepe stare dane

Bile je to v liepe stare dane
gda sem još mala deklica bila.
Ciele sem dane pri babice
v selu bila.

Kokuši naganjala,
v slame se valjala,
z pesem zafrkavala,
mačku za rep potezala...

V liepe, točkaste oprave,
z kečkami i črlenim mašlekima
bosa sem po trave skakala.
Pri babice bažulj sem jela,
dumaču gibanicu naviek sem si za doma zela.

Bile je to v liepe stare dane.

Gda je zima došla,
mati je vse moje oprave v kištre puspravila.
V debele polovere me obliekla.
Same su mi kečkice z črlenim mašlekima ostale.

Bile je to tak v liepe stare dane.
A denes za niš od toga nije čas!

Lovro Kos

5. razred, OŠ Metel Ožegović, Radovan
Voditeljica: Jelena Piskač

Putok

Šumi, šumi...
Kaj tuo šumi?
Putok pri naši hiži!
Šumi, vtihne,
žmiri pa nas gleda.

Gleda, gleda,
a unda iza pouta se zgubi.
Kom se je zgubil?
Nije se zgubil, dežd čeka
da nazi šumi...

Ivan Čivrag Gašpar

5. razred, OŠ Vladimir Nazor Budinščina
Voditeljica: Jasmina Čukelj Krajan

Božične vrijeme

Mesec prosinec je,
dani su se hladneši.
Veter puše,
z oblaka se cedi,
a v peči se jakše gori.
Moj dedek veli
da ga zima više ne drži.
Mama za zimnicu već zelje riba,
a ja sam se zaprl v sobu
i već iščem zimsku robu.

Božične vrijeme je tu,
si sme sretni, juhuhu!

Borna Šlogar

6 razred, OŠ Đure Prejca Desinić

Voditeljica: Vedrana Gudek

Kak som nastrada, a htel som biti frajer

Pred dve leti
htel som biti važan pred jenom curicom
pa som ji dela poklon – drvenu kutijicu.

Fest sam se potrudil,
lepo som oblikova letvice;
no, najemput – fsečem se zi žajgoj!
Uhhhhh...

Tati som poveda
da som se poreza na čablji.
On je skužu da lažem,
se razme.

Otpelja me je na Hitnu,
na Bračak. Tou pa je
naša bolnica.

Dvajst minut su me krpali!

Tata je poveda mami
kaj pa se dogodilo.
Navečer smo meli goste
i vsi su mam znali
kak som ispa bedaček.

Nisom ji dal poklon,
ni blo sreče.
taj krat.

Alj pa,
sreča prati hrabre...

Lori Triplat

3. razred, OŠ Veliki Bukovec

Voditeljica: Štefanija Šarec

Plitvica

Čez moje selo, Dubovica,
teče bistra reka Plitvica.
Čudaj čoplji tu zno preleteti,
a znoju ju i labudi posetiti.

Dok dojde letna vročina,
zaplavati v Plitvici
prava je milina!

Vuz Plitvicu mala je šumenka
de se navek čuje tičja popevka.
Jo si tu lepo v hladovinu sednem,
bistru vodu štunderam
i f tičjem koncertu uživam.

Hana Havrle

6. razred, OŠ Antuna Mihanovića, Klanjec

Voditeljica: Dragica Gajšak

Tak si nekaj čudno gruntam

Tak si nekaj čudno gruntam.
Senjam grdo sake noči
Furt se jočem i mislim da bude morti bole.
Ali niš stega.
Grem van pa mi veter lasi nosi.
Opče mi ne paše.
Črni su oblaki na nebu.
Kak zglveda, sonce se ne bu pokazalo.

Tak si nekaj grdo gruntam.
Vani ftič na grani tuli.
Na črne brege lije dež.
V moje duše, v mojem srcu samo črni mrak spi.

Samo pesma zvira z moje duše
Kak bistri potok.
I mam je drugače.
Mam si nekaj veselo gruntam.

Ana Marija Voljavec

7. razred, OŠ Ljudevit Gaj Krapina, PŠ Donja Šemnica
Voditeljica: Mira Benc

Kak Zagorka volji?

Gda su joj obrazi črleni kaj črešnje,
Gda joj nič ni teške za te,
Gda te pomalu i ljepe luče,
Gda ti kušleca v obraz da,
Gda ne zna kak i kam bi poluknula
gda ju ti glediš.
Tak Zagorka volji!
A kak Zagorec volji ?
To sam Bogek zna !

Julija Detelj

6. razred, OŠ Antuna i Ivana Kukuljevića Varaždinske Toplice
Voditeljica: Ivana Obad Slavin

Moja reč

Kaj?
Če moja reč spoari
Jako bum žalosna,
kak žalosna vrba...
Ak nikaj ne probam
više je nebu.
Se bu se pozabilo...

Kak i navek
nebreš si pomoči,
nebreš se pravdati.
Sam zi sobom
za domaču reč se zavzeti.
Ili morti moreš?

Jemput bum povedala vsima:

„E, moj narode,
zakaj ste takvi?“
Imate nekaj svega,
vrednoga,
lepoga,
zvučječega...

Kajkavski se piše!



Ilustracija: Ivona Jelavić, 8. razred

Ivona Kontek

5. razred, OŠ Sračinec

Voditeljica: Mirela Briševac

Iza osmeha

Iza osmeha se negda tuoga krije.
Žaluosten si, al v srčeku te nekaj grijeje.

Iza osmeha se i muokra suoza lije.
Zbrišeš ju, vusnice razvlečeš, i se je kak prije.

Iza osmeha se skrivaju brige tvoje vse.
Da im se jaku nasmieješ, mam prejdu te.

Iza osmeha je vse kaj te v srce diera
i kaj ti kesnu v nuoč ne da miera.

Iza osmeha ti mi dušu grijeješ.
Kam god se ubrnem, tam ti mi se smieješ.

Kazalo autora likovnih priloga u zbirci

str.

| | |
|----|--|
| 8 | Ivano Rendulić, 6. razred, OŠ Vojnić, mentorica: Anica Globan Kovačić |
| 14 | Sara Topalović, 6. razred, OŠ „Ivan Benković”, Dugo Selo, mentorica: Martina Gracin |
| 19 | Kristina Bernat, 4. razred, OŠ Strahoninec, mentorica: Ana Horvat |
| 21 | Arsen Božek, 4. razred, OŠ Strahoninec, mentorica: Ana Horvat |
| 22 | Nino Malnar, 8. razred, OŠ „Petar Zrinski” Čabar, PŠ Gerovo, mentorica: Sanja Klarić |
| 25 | Luna Boršić, 3. razred, OŠ Gornji Mihaljevec, mentorica: Silvija Soldat |
| 29 | Nika Gavez, 8. razred, OŠ Domašinec, mentorica: Emina Kefelja |
| 32 | Marin Bajš, 7. razred, OŠ Antuna i Ivana Kukuljevića Varaždinske Toplice, mentorica: Ivana Obad Slavin |
| 37 | Luka Kos, 2. razred, OŠ Sidonije Rubido-Erdödy Gornja Rijeka, PŠ Kolarec, mentorica: Dušanka Kos |
| 38 | Leona Jelušić, 4. razred, OŠ Sidonije Rubido-Erdödy Gornja Rijeka, PŠ Kolarec, mentorica: Dušanka Kos |
| 42 | Viktorija Đurkin, 7. razred, OŠ Sveti Đurđ, mentorica: Sonja Đurkin |
| 49 | Lea Špoljarić, 5. razred, OŠ Kneginec Gornji, mentorica: Lidija Novosel |
| 51 | Fran Pintarić, 8. razred, OŠ Domašinec, mentorica: Emina Kefelja |
| 54 | Izabela Perhoč, 6. razred, OŠ Domašinec, mentorica: Emina Kefelja |
| 62 | Josip Pavunčec, 4. razred, OŠ Eugena Kvaternika, Velika Gorica, mentorica: Divna Topolnjak |
| 64 | Lukas Gutvald, 4. razred, OŠ Eugena Kvaternika, Velika Gorica, mentorica: Divna Topolnjak |
| 72 | Ena Bingula, 7. razred, OŠ Ante Kovačića, Zlatar, mentorica: Maja Burek |

Osnovne škole koje su sudjeleovale na natječaju

str.

| | |
|-----|--|
| 76 | Sofija Žilić, 1. razred, OŠ „Ljubo Babić” Jastrebarsko, PŠ Desinec, mentorica: Snježana Dugić |
| 81 | Stela Deronja, 2. razred, OŠ Brod Moravice, mentorica: Dijana Arbanas |
| 82 | Tia Kosmat, 4. razred, OŠ Oroslavje, mentorica: Snježana Sitarić-Knezić |
| 86 | Jana Jančec, 6. razred, OŠ Domašinec, mentorica: Emina Kefelja |
| 91 | Jan-Stjepan Hajdek, 6. razred, OŠ Stjepana Radića Brestovec Orehovički, mentorica: Marijeta Škreb |
| 102 | Vida Škrablin, 6. razred, OŠ Donja Stubica, mentor: Ivan Tuđa |
| 107 | Hana Bajkovec i Lara Posavec, 4. razred, OŠ Strahoninec, mentorica: Ana Horvat |
| 108 | Saša Hunjadi, 7. razred, OŠ Domašinec, mentorica: Emina Kefelja |
| 113 | Tamara Jakopic, 7. razred, OŠ Krunoslava Kutena Vrbovec, PŠ Rakovec, mentorica: Ljiljana Bušić |
| 114 | Eva Jakupec, 3. razred, OŠ Gola, PŠ Otočka, mentorica: Sanja Solić |
| 116 | Dora Dugački, 7. razred, OŠ Antuna i Ivana Kukuljevića Varaždinske Toplice, mentorica: Ivana Obad Slavin |
| 126 | Ivona Jelavić, 8. razred, OŠ Ksavera Šandora Đalskog, Donja Zelina, mentor: Jasenko Dominović |

Naslovnica i 13. stranica:

Ela Miljan, 8. razred, OŠ Belica, mentorica: Emina Kefelja

| | |
|----|--|
| 1 | OŠ Ante Kovačića, Marija Gorica |
| 2 | OŠ Ante Kovačića, Zlatar |
| 3 | OŠ Antuna Mihanovića, Klanjec |
| 4 | OŠ Antuna Mihanovića, Klanjec, PŠ Lučelnica |
| 5 | OŠ Antuna i Ivana Kukuljevića Varaždinske Toplice |
| 6 | OŠ Brestje, Sesvete |
| 7 | OŠ Breznički Hum |
| 8 | OŠ Brod Moravice |
| 9 | OŠ Domašinec |
| 10 | OŠ Domašinec, PŠ Florijana Andrašeca Dekanovec |
| 11 | OŠ Donja Stubica |
| 12 | OŠ Dragutina Domjanića, Sv. Ivan Zelina |
| 13 | OŠ Dragutina Domjanića, Sv. Ivan Zelina, PŠ Komin |
| 14 | OŠ Dragutina Domjanića, Sv. Ivan Zelina, PŠ Prepolno |
| 15 | OŠ Dragutina Tadijanovića, Zagreb |
| 16 | OŠ Đure Prejca Desinić |
| 17 | OŠ Eugena Kvaternika, Velika Gorica |
| 18 | OŠ Franje Serta Bednja |
| 19 | OŠ Gola, PŠ Otočka |
| 20 | OŠ Gornji Mihaljevec |

| | |
|----|---|
| 21 | OŠ „Ivan Benković“, Dugo Selo |
| 22 | OŠ Ivana Gorana Kovačića Delnice |
| 23 | OŠ Ivana Gorana Kovačića Vrbovsko |
| 24 | OŠ Ivana Kukuljevića Sakcinskog Ivanec, PŠ Tina Ujevića Salinovec |
| 25 | OŠ Ivana Perkovca, Šenkovec |
| 26 | OŠ Kneginec Gornji |
| 27 | OŠ Konjščina |
| 28 | OŠ Krapinske Toplice |
| 29 | OŠ Krunoslava Kutena Vrbovec, PŠ Rakovec |
| 30 | OŠ Ksavera Šandora Đalskog, Donja Zelina |
| 31 | OŠ Ksavera Šandora Đalskog, Donja Zelina; PŠ Nespeš |
| 32 | OŠ Ljubešćica |
| 33 | OŠ „Ljubo Babić“ Jastrebarsko, PŠ Desinec |
| 34 | OŠ Ljudevit Gaj Krapina |
| 35 | OŠ Ljudevit Gaj Krapina, PŠ Donja Šemnica |
| 36 | OŠ Ljudevita Modeca, Križevci |
| 37 | OŠ Ludbreg |
| 38 | OŠ Mahično |
| 39 | OŠ Marija Bistrica |
| 40 | OŠ Marije Jurić Zagorke, Vrbovec |
| 41 | OŠ Metel Ožegović, Radovan |

| | |
|----|---|
| 42 | OŠ Nedelišće |
| 43 | OŠ Nedelišće, PŠ Pušćine |
| 44 | OŠ Novi Marof |
| 45 | OŠ Oroslavje |
| 46 | OŠ „Petar Zrinski“ Čabar |
| 47 | OŠ „Petar Zrinski“ Čabar, PŠ Gerovo |
| 48 | OŠ „Petar Zrinski“ Čabar, PŠ Prezid |
| 49 | OŠ „Petar Zrinski“ Čabar, PŠ Tršće |
| 50 | OŠ „Petar Zrinski“ Šenkovec |
| 51 | OŠ „Petar Zrinski“ Šenkovec, PŠ Mačkovec |
| 52 | OŠ Petrijanec |
| 53 | OŠ Posavski Bregi |
| 54 | OŠ Rudolfa Strohala Lokve |
| 55 | OŠ Side Košutić Radoboj |
| 56 | OŠ Sidonije Rubido-Erdödy Gornja Rijeka; PŠ Kolarec |
| 57 | OŠ „Slava Raškaj“ Ozalj |
| 58 | OŠ Sračinec |
| 59 | OŠ Stjepana Radića Brestovec Orehovički |
| 60 | OŠ „Stjepan Radić“ Božjakovina |
| 61 | OŠ Strahoninec |
| 62 | OŠ Sveti Đurđ |

63 OŠ Sveti Martin na Muri

64 OŠ Tomaša Goričanca Mala Subotica

65 OŠ Veliki Bukovec

66 OŠ Veliko Trgovišće, PŠ Dubrovčan

67 OŠ Vidovec

68 OŠ Visoko

69 OŠ Vladimir Bosnar Stubičke Toplice

70 OŠ Vladimir Nazor Budinščina

71 OŠ Vugrovec- Kašina

72 II. OŠ Čakovec

73 III. OŠ Varaždin
